

## মিস্টার মুশফিক প্রধানকে: Philosophy এর বাংলা মনোবিজ্ঞান নয়!

যাদের বাচনভঙ্গি দেখে করুণা হওয়ার কথা, তাদের দেখে রাগ হওয়া উচিত নয়। অথচ তথ্য বিভ্রাট ভয়াবহ আকারের। আর কারো স্বার্থে না হলে ও পাঠকদের স্বার্থে এর প্রতিবাদ করা দরকার। ‘ভুল পথে সত্যের সন্ধান’ শীর্ষক প্রবন্ধে মিস্টার মুশফিক প্রধান বর্তমান বিশ্বের জীবিত মানবতাবাদী দার্শনিকদের পুরোধা অধ্যাপক পল কার্জ সম্পর্কে অর্বাচীন মনতব্য করেই ক্ষান্ত হননি, একই সাথে তাঁর সম্পর্কে সাধারণ পাঠকদের ভুল তথ্য গিলানোর চেষ্টা করেছেন।

প্রধান সাহেব, আপনি কোথায় শুনেছেন , নাকি স্বপ্নে দেখেছেন যে অধ্যাপক পল কার্জ সসম্মানে **অব্যাহতি প্রাপ্ত** SUNY Buffalo এর **মনোবিজ্ঞানের** অধ্যাপক? ভাই সাহেব, **প্রথম প্রশ্নঃ** আপনি কি **অব্যাহতি** আর **অবসর** এর বাংলা পার্থক্য জানেন? **দ্বিতীয় প্রশ্নঃ** **মনোবিজ্ঞান** আর **দর্শনের** পার্থক্য বুঝেন? **মনোবিজ্ঞান** এর ইংরেজী Psychology এবং **দর্শনের** ইংরেজী Philosophy, এই টুকু বলে দিবে, এমন একজন বাঙালী ও বুঝি ধারে কাছে ছিল না?

দয়া করে শুনে রাখুন। পল কার্জ হচ্ছেন State University of New York (SUNY) at Buffalo এর একজন সসম্মানে অবসর প্রাপ্ত দর্শন (Philosophy) বিষয়ের অধ্যাপক। আরেকটু সঠিকভাবে বললে -তিনি একজন শ্রদ্ধেয় Professor emeritus যিনি অবসর নেয়ার পর ও নামের পূর্বে অধ্যাপক , বা Professor উপাধি ব্যবহার করতে পারেন। Paul Kurtz এর International Academy of Humanism এ বর্তমানে কম করে হলে ও বারোজন নোবেল পুরস্কার বিজয়ী বিজ্ঞানী Humanist Laureate হিসেবে যুক্ত আছেন। সর্বশেষ যোগদান করেছেন DNA আবিষ্কারক জেমস ওয়াটসন। মৃত্যুর আগ পর্যন্ত ফ্রান্সিস ক্রিক ও যুক্ত ছিলেন। এ ব্যাপারে যে কেউ [www.secularhumanism.org](http://www.secularhumanism.org) কিংবা [www.centerforinquiry.net](http://www.centerforinquiry.net) ভিজিট করতে পারেন, অথবা অন্য যে কোন ভাবে যাচাই করতে পারেন।

আর তাছাড়া পল কার্জকে ‘মুসলিম বিদ্বেষী পশ্চিমা অজ্ঞ’ প্রমাণ করতে যা ইচ্ছা তাই লিখেছেন, পল কার্জের কোন লেখার সাথে পরিচিত না হয়েই। মুশফিক সাহেব কি জানেন যে, যে সব অভিযোগে পল কার্জকে তিনি অভিযুক্ত করেছেন, সেই সবগুলো তে আসলে মুশফিক সাহেবের নিজেরই অজ্ঞতাই প্রকাশ পেয়েছে? পল কার্জ আমেরিকার সেই সব মানবতাবাদীদেরই অন্যতম যারা আমেরিকার ইরাক আক্রমণের বিরোধিতা করেছিলেন? মুক্ত-মনায় পল কার্জের একটি লেখা এখনও রাখা আছে, ইরাক যুদ্ধের উপর। পড়ে দেখুন :

[http://www.mukto-mona.com/Articles/current\\_issue/secularhumanism\\_politics\\_paul\\_kurtz.htm](http://www.mukto-mona.com/Articles/current_issue/secularhumanism_politics_paul_kurtz.htm)

উনি যদি মুসলিম বিদ্বেষীই হবেন, তাহলে আত্যাচারিত মুসলিমদের পাশে এসে দাড়িয়েছিলেন কেন? মুশফিক সাহেবের বোধ হয় এগুলো তথ্য কোনটাই জানা নেই। বোধ হয় মুশফিক সাহেব এটাও জানেন না যে, মুশফিক সাহেব মুসলিম হয়ে ইসলাম সম্বন্ধে যা জানেন, পল কার্জ তার চাইতেও অনেক বেশিই জানেন। তার কারণ, পল কার্জের গবেষণার বড় দিকই হল: মানবতা, ধর্ম ও দর্শন (ইসলামিক দর্শন, মুসলিম সত্যতাও তার কাজের অন্তর্ভুক্ত) ইত্যাদি। যদি আমার মুখের কথা না বিশ্বাস করেন, তবে, পল কার্জের লেখা ইসলাম নিয়ে ‘The Transcendental Temptation’ বইটি পড়ে দেখবেন। বহু ইসলাম বিশেষজ্ঞই এই পল কার্জের বইটিকে একটি মাইলফলক হিসেবে অভিহিত করে থাকেন। গালিগালাজ আর মিথ্যা তথ্য দিয়ে ভিন্নমত আর সদালাপের পাতায় ‘আগড়ম বাগড়ম’ মুশফিক প্রধান-টাইপ লেখা পাঠানো খুব সোজা; কিন্তু কার্জের মত মানবতাবাদী দার্শনিক হওয়া আর গবেষণাধর্মী বই লেখা যে কত কঠিন তা সুস্থ মস্তিষ্কের যে কোন বুদ্ধিমান ব্যক্তিমাত্রই বুঝবে।

আমি মুশফিক সাহেব কে ভুল তথ্যের জন্য পাঠকের বরাবরে ক্ষমা প্রার্থনা করার আহ্বান জানাচ্ছি। আশা করি তিনি দ্বিতীয় দফা ‘**ভুল পথে সত্য সন্ধান**’ জাতীয় লেখা লেখার আগে নিজে সংশ্লিষ্ট তথ্য **সঠিক** কি-না সেটির সেটির একটু **সন্ধান** করে নেবেন।

সবাইকে ধন্যবাদ।

-জাহেদ আহমদ

মডারেটর

South Asian Humanists' Monthly Discussion Group

Center for Inquiry, NY

[www.cfimetry.org](http://www.cfimetry.org)

(a non-profit organization led by Chairman Paul Kurtz)

10.28.2004